

**Espediente mota:** Administrazio kontratazioa  
**Kontratua:** Obra kontratua, prozedura negoziatua.  
**Espediente zenbakia:** 6.2.2./1-17

**OBRA KONTRATUAREN ADMINISTRAZIO-BALDINTZA ZEHATZEN**  
**ORRIAK**  
**PUBLIZITATE BAKO PROZEDURA NEGOZIATU BIDEZKO ESLEIPENA**

**I.- KONTRATUAREN EDUKINA**

**1. KONTRATUAREN XEDEA**

Kontratuaren xedea hau da: Santamañe kalea 16-17ko horma eraistea eta urbanizazioa egokitzeko obrak egitea.

Kontratua baldintza-agiri honetan oinarritzen da eta espedientean azaltzen den dokumentazio teknikoarekin bat etorri egingo da. Baldintza-agiri honek kontratu-balioa du.

**2. OBRAK BURUTZEKO EPEA**

Kontratu honen helburu diren obrak burutzeko epea hau da: **HAMAR ASTEKOA** Zuinketa akta izenpetu eta hurrengo egunetik hasiko da zenbatzen epe hori.

Obrak epe horretan amaitzen ez badira, esleipendunak berandutzeagatiko erantzukizunei aurre egin beharko die, nahiz eta Administrazioak aurretik ez ohartarazi.

**3. KONTRATUAREN PREZIOA**

Kontratuaren prezioa 75.876,79 €-koa izango da, BEZ kanpo. BEZari dagokion zenbatekoa 15.934,13 eurokoa da. Lehiatzaileek diru-kopuru hori hobetu dezakete.

Lehiatzaileek diru kopuru hori hobetu daikee, baina beti ere, kontuan hartuko da lehiatzaileek hobetutako prezio horretan Balio Erantsiaren gaineko Zerga (BEZ) kanpo dagoela. Nolanahi ere, lehiatzaileak banatuta zehaztu beharko du kontratuaren prezioa eta BEZari dagokion zenbatekoa.

**4. FINANTZATZEA**

Kontratuaren prezioa ordaintzeko behar beste diru jarri da aurtengo ekitaldiko aurrekontuan.



## **5. NOLA ORDAINDU**

Obra burutuak aldizka ordainduko dira, egiaztagiriak egindakoan. Obren zuzendariak egingo ditu egiaztagiri horiek.

## **6. PREZIOAK BERRAZTERTZEA**

Kontratu honetan ez da bidezkoa prezioak berraztertzea.

## **7. BERMEAK**

Ez da behin behineko bermerik eskatuko.

Kontratuaren esleipendunak, bere gain hartutako beharrak beteko dituela bermatzeko, behin betiko bermea jarri behar du. Berme horren zenbatekoa esleipenaren zenbatekoaren %5 izango da.

Behin-betiko bermea jartzeko epea 10 egun baliodunekoa izango da, esleipena proposamena jakinarazo eta biharamunetik hasita. Bermea jartzeko bidea, Sektore Publikoaren Kontratuen Legeari buruzko Testu Bateratua onartzen duen 3/2011 Errege Dekretu Legegilearen 96. artikuluan azaltzen direnetatik edozein izan daiteke.

Berme-epa amaitzen denean, esleipendunari bermea itzuliko zaio, osorik edo, bidezkoa bada, zati batean, baldin eta kontratuko betebeharrak guztiak beterik badaude.

## **8. KONTRATUA BURUTZEA**

Zuinketa-akta izenpetzearekin batera hasiko da obra-kontratuaren burutzapena, eta kontratua formalizatzen denetik hilabeteko epean izenpetu beharko da.

Lanak kontratuaren oinarria diren administrazio baldintza zehatzen agirian eta proiektuan ezarritako baldintzak zorrotz beteta egingo dira, baita administrazioak lanotarako izendatutako zuzendari fakultatiboak eta, hala badagokio, kontratuaren arduradunak, agirion interpretazio teknikoaren arabera, kontratistari emaniko jarraibideen arabera ere.

Jarraibide horiek ahoz emandakoak direnean idatziz berretsi beharko dira ahalik eta arinen, parteentzat lotesleak izan daitezten.

Lanak egitean eta berme epea bete arte, kontratista eraikuntzan ager litezkeen akatsen erantzulea izango da.

Horiek gorabehera, obrak egiterakoan honako hauek bete beharko dira: a) agiri honetan ezarritako baldintzak; b) baldintza-agiriarekin batera dauden xehetasun teknikoak, eta c) Sektore Publikoaren Kontratuen Legeari buruzko Testu Bateratua onartzen duen 3/2011 Errege Dekretu Legegilean ezarritakoak. Bereziki, kontratuko obrak Administrazioaren zuzendaritza, ikuskapen eta kontrolaren pean burutuko dira, eta Administrazioak idatziz nahiz ahoz erabili ahal izango ditu ahalmen horiek.

Esleipendunari edo haren aginduekoei egotz dakiekeen egite edo ez-egiteren baten ondorioz, Administrazioak uste izaten badu kontratua burutzeko obrek behar bezala aurrera egitea kolokan dagoela, kontratua behar bezala burutu dadin beharrezkotzat jotzen dituen neurriak har daitezela agindu ahal izango du.

## **9. ESLEIPENDUNAREN LAN-EGINKIZUNAK**

Esleipendunak lanaren, Gizarte Segurantzaren eta laneko segurtasun eta higienearen arloan indarrean dauden legezko xedapenak bete behar ditu. Bereziki, Bermeoko Udalak onartutako Laneko Arriskuen Prebentzioa Kudeatzeko Sistemaren helburuak bete beharko ditu (I eranskina).

Administrazioak ez du inolako erantzukizunik izango xedapen horiek betetzen ez badira.

Lanak egiten jardungo dauan enpreseak, hau da, esleipendunak, Udalari eta herritarrei jagokenean, aurrez-aurreko harremon, txosten eta azalpen guziak, ahozkoak zein idatzizkoak, euskeraz burutuko beharko dauz. Udalak euskera baino ez dau erabiliko bere harremonetan, idatzizko zein ahozkoetan, eta ez dau inolako itzulpenik eskainiko.

Datu Pertsonalen Babeserako betekizunak zehatz mehatz betetzea: Enpresa esleituak, proiektuaren gauzapenerako Bermeoko Udalak bideratutako informazio eta dokumentazio guztia konfidentzialtasun osoz erabili beharko du, beti ere, abenduaren 13ko Datu pertsonalen babesari buruzko 15/1999 Lege Organikoa eta Fitxategi Automatizatuetan bildutako datu pertsonalen Segurtasun Neurriei buruzko ekainaren 11ko 994/1999 Errege Dekretuak ezarritakoak kontutan hartuz. Kontratu honen ezaugarriak direla-eta, enpresa esleipendunak Udalean lan egingo duen langilearen bitartez, Datuen Tratamenduen arduradun izaera bere gain hartzen du eta nahitaez bete behar dituen legezko betebeharez, lanbide betebeharrak eta betebeharrak deontologikoez gain, ezinbestean bete beharko du kontratu honek arautzen dituen atzipenaren menpeko datu pertsonalekiko lanbide sekretua; eta Toki erakundearekin daukan harremanak amaitu ostean ere, lanbide sekretua gorde beharrak bere horretan iraungo du. Tratamenduaren arduradunaren eginkizuna izango da behar diren neurri teknikoak eta antolaketako neurriak ezartzea, datu pertsonalen segurtasuna eta osotasuna bermatzeko eta datu horiek aldatu edo galdu ez daitezen eta baimenik gabeko tratamendurik edo atzipenik egon ez daiten.

Honen guztiaren berme legez, II. eranskin legez agertzen dan konpromisoa sinatu beharko da.

Tratamenduaren arduradunak ez baditu betetzen kontratu honetako baldintzak eta, bereziki behean adierazitakoak gertatzen badira, toki entitatea salbuetsita geratuko da ez betetze horien ondorioz sor daitezkeen erantzukizunetatik:

- Tratamenduaren arduradunak datu pertsonak erabiltzen baditu alde biek kontratu honen bidez hitzartu eta adostu ez duten bestelako helburu baterako.
- Tratamenduaren arduradunak hausten badu datuekiko sekretu gorde beharra edo datuak hirugarren pertsonari ez komunikatzeko betebeharra.

- Tratamenduaren arduradunak datuak erabiltzen baditu kontratu honetan jasotako edozein baldintza hautsiz.

Goian adierazitako arau haustek egiteagatik edo akordio honetako beste edozein baldintza ez betetzeagatik, tratamenduaren arduraduna tratamendu kontrolatzaileztat joko da, eta erantzun beharko dizkie berak egindako arau hausteei eta interesdunek Datuak Babesteko Euskal bulegoan aurkeztu daikiezan erreklamazioei, bai eta ukituei onartzen jakezan kalte-ordainei ere, euren ondasunetan edo eskubideetan jasandako kalteak direla eta erantzukizun egintzez baliatzen badira.

Kontratu harremana legez bukatu ondoren, tratamenduaren arduradunak erabilitako datu pertsonalak suntsitu egin beharko dira edo tratamendu kontrolatzaileari itzuli behako jakoz, tratamenduan erabilitako datu pertsonalak dituen edozein euskarri edo dokumenturekin batera.

## **10. ESLEIPENDUNAREN ERANTZUKIZUNA KONTRATUA BURUTZERAKOAN BESTE BATZUEI KALTEAK ERAGITEN BADIZKIE**

Obrak burutzen diren bitartean, esleipendunaren ardura da edozein pertsona, jabetza edo zerbitzu publiko edo pribaturi egindako kalteak eta galerak bere gain hartzea, baldin eta bere agindupean dauden langileen egitez, ez-egitez nahiz zabarkeriaz, edo obrak behar bezala ez antolatu, babestu edo seinaleztatzeagatik gertatzen badira. Gauzak horrela, esleipendunaren ardura da kontratuko eragiketen ondorioz sor litezkeen kalteak eta galerak bere gain hartzea, Sektore Publikoaren Kontratuen Legeari buruzko Testu Bateratua onartzen duen 3/2011 Errege Dekretu Legegilearen 214. artikuluan xedatutakoarekin bat etorriz.

## **11. KONTRATUA ALDATZEA**

Kontratistarentzat nahitaezkoak izango dira, 219. artikuluan eta I. liburuaren V. tituluaren ezarritakoarekin bat erabakitzen diren kontratuaren aldaketak.

Kontratuaren aldaketek obra unitateetan murrizketak edo ezabapenak badakartza, kontratistak ez du kalte-ordainik eskatzeko eskubiderik izango.

Aldaketek proiektuak aurreikusi gabeko obra-unitateak sartzea eragiten badute edo horien ezaugarriak guztiz bestelakoak badira, horien ezarpen prezioak administrazioak ezarriko ditu, kontratistari gutxienez hiru laneguneko epean entzunaldia eskaini eta gero. Kontratistak ez balitu ezarritako prezioak onartuko kontratazio organoak beste enpresaburu batekin kontratatu ahal izango ditu ezarritako prezio berberetan, edo berak egin zuzenean.

Obraren zuzendari fakultatiboak uste badu proiektuan aldaketa bat egitea beharrezkoa dela, dagokion espediente hasteko baimena eskatuko dio kontratazio organoari, eta premiazko izaeraz egingo da honako jarduera hauekin:

- a. Proiektuaren aldaketa idatzi eta horren onarpen teknikoa.
- b. Kontratistari eta proiektuaren egileari entzunaldia, gutxienez hiru egunetan.

- c. Kontratazio organoak espedientea onartzea, baita beharrezko gastu osagarriak ere.

Hala ere, aurreiazko onarpenik gabeko aldaketak egin ahal izango dira horiek benetan exekutututako unitateen kopurua aldatzen dutenean proiektua neurtzerakoan aurreikusitakoekin unitateekin alderatuz, betiere kontratuaren hasierako prezioan % 10eko baino gastu handiagoa eragiten ez badute.

Aldaketa baten tramitazioak eragiten badu obren exekuzioaren parte bat edo guztia etetea eta horrek interes publikoan kalte handiak eragiten baditu, ministroak, Estatuko Administrazio Orokorra bada, edo haren erakunde autonomoak, Gizarte Segurantzako erakunde kudeatzaileak edo zerbitzu komunak eta Estatuko gainerako erakunde publikoek badira, obrek behin-behinekoz jarraitzea erabaki lezake zuzendaritza fakultatiboak egindako proposamen teknikoan aurreikusitako moduan, betiere aurreikusitako gehienezko zenbatekoa ez bada kontratuaren hasierako prezioa baino % 10 garestiagoa, eta finantzatzeko kreditu egokia eta behar bestekoa badago.

Tramitatu beharreko aldaketa espedientean ekintza hauek sartu beharko dira esklusiboki:

- a. Obraren zuzendari fakultatiboak egindako proposamen tekniko arrazoitua. Bertan aldaketaren gutxi gorabeherako zenbatekoa eta egin beharreko obren oinarritzko deskripzioa jaso beharko dira.
- b. Kontratistari entzunaldia.
- c. Kontratazio organoaren adostasuna.
- d. Kreditua egon dagoen ziurtagiria.

Sei hilabeteko epean proiektua teknikoki onartuta egon beharko da, eta zortzi hilabeteko epean aldatutakoaren espedientea.

Zortzi hilabeteko epe horretan, lehenasunez, aurreikusitako obra unitateetatik egingo dira azkenean eta behin betiko ezkutuan geratuko ez diren parteak. Obrak behin-behinekoz hasteko ministroaren baimenak, Estatuko Administrazio Orokorraren, haren erakunde autonomoen eta Gizarte Segurantzako erakunde kudeatzaileen eta zerbitzu komunen esparruan, gastua onartu beharra eragingo du, gastuaren espedientea onartzerakoan egin beharreko egokitzeen kalterik gabe.

## **12. OBRAK HARTZEA ETA BERME-EPEA**

Obrak amaitutakoan harrera egiteko eta 222.2 artikuluan ezarritako eraginetarako, lege honetako 52. artikulua aipatzen duen kontratuko arduraduna etorriko da, izendatuta balego, edo hura ordezkatzeko duen administrazioak izendatutako fakultatibo bat, obren zuzendaritzaren ardura duen fakultatiboa eta kontratista bere fakultatiboarekin batera, nahi izanez gero.

Harrera egiten denetik aurrera hiru hilabeteko epean, egindako obren azken ziurtagiria onartu beharko du kontratazio organoak. Ziurtagiri hori kontratuaren likidazioaren kontura ordainduko zaio kontratistari 216.4 artikuluan aurreikusitako epean.

Obrak egoera onean eta aurreikusitako preskripzioen arabera eginda badaude, administrazio kontratatzaileak izendatutako funtzionario teknikoak, haren ordezkari legez, hartutzat emango ditu, eta dagokion akta jasoko du. Orduan hasiko da berme epea.

Obrak ez daudenean hartzeko moduan, egoera hori jaso egingo da aktan, eta zuzendariak antzemandako akatsak zehaztu eta eman beharreko aginduak emango ditu, akatsok zuzentzeko epe eta guzti. Epe hori igarota kontratistak ez badiu konpondu, beste epe bat eman ahal izango zaio, luzaezina, edo kontratua bertan behera utzi.

Berme epea, 102.5 artikulua arabera, obraren izaera eta konplexutasuna kontuan hartuta, urtebeteko izango da.

Berme epea amaitu baino aurreko hamabost egunen barruan, obrako zuzendari fakultatiboak, ofizioz edo kontratistak eskatuta, obren egoerari buruzko txosten bat idatziko du. Txostena aldekoa izanez gero, kontratista erantzukizun guztietatik salbu geratuko da, hurrengo artikuluan zehaztutakotik izan ezik. Beraz, bermea itzuli edo ezabatuko da, kontratua likidatuko da eta, hala badagokio, zorretan dauden azken obligazioak ordainduko dira. Ordainketa hori hirurogei eguneko epean egin beharko da. Txostena ez balitz aldekoa eta antzemandako akatsak obra exekuzioko gabezien ondoriozkoak balira eta ez eraikitakoaren erabileraren ondoriozkoak, berme epearen barruan, eraikitakoa behar bezala konpontzeko eman beharreko aginduak emango lizkioke zuzendari fakultatiboak kontratistari. Agindu horiek betetzeko epe bat izango luke kontratistak, eta epe horretan obren kontserbazioaren arduradun izaten jarraituko luke, berme epea luzatzeagatik inolako zenbatekorik jasotzeko eskubiderik gabe.

Hala ere, iraupenak amaiera praktikorik ez daukan obretan, hala nola, emaitzarik eman ez duten zundaketetan eta prospekzioetan, edo izaeraren ondorioz kontserbazio hutsezko lanak baino gehiago behar dituztenetan, hala nola, dragatzeetan, ez da berme eperik eskatuko.

Harrera partziala egin ahal izango zaie epeka egin daitezkeen eta erabilera publikorako izango diren parteei, kontratuan ezarritakoaren arabera.

Kontratazio organoak, espedientean behar bezala arrazoitutako interes publikoko salbuespenezko arrazoiengatik beti, obren benetako okupazioa edo erabilera publikorako zerbitzuan ipintzea erabakiz gero, harrera ekintza formala egin barik badago ere, zirkunstantzia horiek egon daudenetik aurrera obren harrera ekintzaren eragin eta ondorio berberak izango ditu, eta arauz ezarritako termino berberetan.

Nolanahi ere, esleipendunak kontratua bete ez eta eraikuntzak ezkutuko akatsak izateagatik obra berme-epetik kanpo hondatzen bada, esleipendunak kalte eta galerei aurre egiteko erantzukizuna izango du hamabost urtean, obren harrera ekitalditik aurrera zenbatzen hasita.

Epe hori amaitutakoan, bestelako kalte edo galerarik ez bada izan, esleipendunaren erantzukizuna amaitutzat joko da.

### **13. ESLEIPENDUNARI EZARRI BEHARREKO ZIGORRAK BALDINTZAK BETETZEN EZ BADITU**

#### **A) KONTRATUA BURUTZEKO EPEAK DIRELA ETA**

Esleipendunaren erruagatik, kontratua burutzeko epe osoa edo epe partzialak igarotakoan kontratua burutu gabe badago, Administrazioak bi aukera izango ditu: kontratua bertan behera utzi eta bermea bereganatzea, edo kontratua burutu arte igarotzen den egun bakoitzeko diru-zigorra ezartzea: egunean 0,20 euro kontratuaren prezioaren 1000 euroko (212. artikulua).

Azterapenagatiko zigorren guztizko zenbatekoak kontratuaren prezioaren 100eko 5aren multiploren bat jotzen duen bakoitzean, kontratazio-organoak aukera izango du kontratua bertan behera uzteko edo zigor gehiago ezarri eta burutzapenean aurrera egin dadila erabakitzeko.

#### **B) PRESTAZIOEN BURUTZAPEN PARTZIALA DELA ETA**

Esleipendunak, bere erruagatik, kontratuko prestazioen burutzapen partziala epean bukatzen ez badu, Administrazioak bi aukera izango ditu: kontratua bertan behera uztea edo baldintza administratibo berezien orrietan aipatzen diren zigorrak ezartzea (212.7 artikulua).

### **14. KONTRATUA AMAITZEKO ARRAZOIAK**

Kontratua amaitzeko arrazoiak Sektore Publikoaren Kontratuen Legeari buruzko Testu Bateratua onartzen duen 3/2011 Errege Dekretu Legegilearen 223 eta 237. artikuluetan azaltzen direnak izango dira.

Kontratua amaitzearen ondorioak 225. eta 239. artikuluetan aurreikusten direnak izango dira.

### **15. ADMINISTRAZIOAREN ESKUBIDEAK**

Administrazioari dagokio a) kontratua interpretatzea, b) kontratuan sor daitezkeen zalantzak ebaztea, c) herri-onurako arrazoiengatik kontratua aldatzea, d) kontratuari amaiera ematea eta amaiera horren ondorioak zehaztea, Sektore Publikoaren Kontratuen Legeari buruzko Testu Bateratua onartzen duen 3/2011 Errege Dekretu Legegilean ezarritako muga, baldintza eta ondorioei eutsiz.

## **II.- KONTRATATZEKO JARDUNBIDEA**

### **16. ESLEIPENA EGITEKO BIDEA ETA MODUA**



Kontratu honen esleipena negoziazio bidez egingo da, Sektore Publikoaren Kontratuen Legeari buruzko Testu Bateratua onartzen duen 3/2011 Errege Dekretu Legegilearen 176, 177 eta 178. artikuluetan bat etorritz.

Administrazio-baldintza zehatzen orri hauetan esleipenerako erizpide bezala alderdi ekonomikoa negoziatu daiteke parte-hartzaileekin.

Lanak egiten jardungo dauan enpresek, Udalari eta herritarrei jagokenean, aurrez aurreko harremon, txosten eta azalpen guztiak, ahozko zein idatzizkoak, euskeraz burutu beharko dauz. Era berean, Udalak euskera baino ez dau erabiliko bere harremonetan, idatzizko zein ahozkoetan, eta ez dau inolako itzulpenik eskeiniko.

## **17. KONTRATATZEKO GAITASUNA ETA KAUDIMENA**

Zuzenbideko eta jarduteko gaitasuna duten pertsona fisiko zein juridikoek parte hartu ahal izango dute kontratazio-jardunbide horretan, baldin eta beren kaudimen teknikoa eta ekonomikoa frogatzen badituzte, eta kontratatzeke debekuren bat ez badute, Sektore Publikoaren Kontratuen Legeari buruzko Testu Bateratua onartzen duen 3/2011 Errege Dekretu Legegilearen 60. artikuluan adierazitako arrazoiak direla eta. Kaudimena egiaztatzeke eta ebaluatzeke bideak Sektore Publikoaren Kontratuen Legeari buruzko Testu Bateratua onartzen duen 3/2011 Errege Dekretu Legegilearen 75. eta 76. artikuluetan ezarritakoak izango dira.

Pertsona fisiko edo juridikoek beren kabuz edo baimendutako ordezkarien bitartez kontratatu ahal izango dute. Ordezkariak kontratatuz gero, berariaz emandako ahalorde askietsia erabili beharko dute. Pertsona juridiko baten ordezkari baten bitartez bertako kideren bat azaltzen denean, ordezkari izateko ahalmena duela frogatu beharko du agiri bidez. Bi kasuetan ere, kontratatzeke gaitasunik eza dakarten arrazoiak, gorago aipatutakoak, ordezkariari ere aplikatu behar zaizkio.

Gainera, lehiatzaileen jarduera nagusiak zerikusi zuzena izan behar du kontratu honen gaiarekin, eta haien erakundeak kontratua burutzeko behar beste giza baliabide eta baliabide material eduki behar ditu.

Emakumeen eta Gizonen berdintasunerako otsailaren 18ko 4/2005 Legearen arabera sexu-diskriminazioan erori izanagatik zigor- edo administrazio-arloko zigorra jaso duten enpresek ezin izango dute, zigorrak ezarritako aldiaren, deialdira aurkeztu. (XI. eranskina)

## **18. NEGOZIATZEKO ERIZPIDEAK:**

Esleipena egiterakoan, proposamen ekonomikoa baxuena hartuko da oinarritzat. Negoziazioa fase bakar batean egingo da eta aurrera eroateko, honako erizpide hau hartuko da oinarritzat:

1. Eskaintza ekonomikoa bera ahal izango da negoziatu, beraz, lizitatzailerok ahal izango dituzte ezagutu besteen eskaintzak negoziazio prozesuaren zehar.





Lehiatzaileek, Bermeoko Udalari baimena emango diote eskakizun, berri emate eta jakinarazpen mota guztiak posta elektronikoki bidez bidaltzeko.

Negoiazioan Bermeoko Udalaren aldetik hurrengo kideek hartuko dute parte:

URIGINTZA SAILETIK: Ainara Etxebarria Agorria andrea, edota bere ordezkoa, Javier Barrenetxea jauna.

Negoiazioa amaitzean, baldintzak aldatzeko konpromisoa hartu dutenek azken eskaintza aurkeztu beharko dute, ekonomikoki eskaintzarik onuragarriena zein den balioetsi eta hautatzeko. Hori udalaren aldetik negoziazioa egin dabenean egingo dabe eta kontratuaren behin betiko xedapenak zehaztu eta finkatuko dituen esleipen-proposamena bidaliko dio kontratazio-organoari.

## 19. PROPOSAMENAK AURKEZTEA

Kontratazio honen baldintza plegu tekniko-administratiboak, honako lekuan, ordutegian eta epean aztertu eta proposamenak aurkeztu ahal izango dira:

LEKUA: [BERH@Z](mailto:BERH@Z) BULEGOA. Ertzilla kalea 6-8 48370 BERMEO

ORDUAK: Asteleheneetik barikura 08:30-14:30. Martitzenatan eta eguenatan 16:30 – 19:00. Larunbatetan 10:00 – 13:00. \*Udan arratsaldeetan itxita egongo da bulegoa.

EPEA: 10 egunetan, gonbitea jasotzen danetik hasita.

Lehiatzaileek BI kartazal (A, eta B) aurkeztu beharko dituzte itxita. Eskaintzak euskeraz aurkeztuko dira.

“A” kartazalaren azpititulua hau izango da: “KONTRATATZEKO GAITASUNA ETA KAUDIMENA”. Hona hemen “A” kartazalean aurkeztu beharreko agiriak:

SPKLTBaren 146.4 artikuluan aukera ematen du artikuluko bereko 1. idatz-zatian adierazten diren agiriak ekartzeko eskaeraren ordeza, lizitatzaillearen erantzukizunpeko adierazpena ekartzea. (1.eranskina)

Lizitatzailleak, esleitzeko proposamena bere alde egin bada, kontratazio-organoari egiaztatu beharko dio, kontratua esleitu baino lehen, galdatu zaizkion agiriak badituela eta baliozkoak direla. *Gainera*, prozesua ondo bukatuko dela bermatze aldera, kontratazio-organoak, esleipen-proposamena eman baino lehen edozein unetan, lizitatzailleei eska diezaieke kontratuaren esleipendun izateko eskatzen diren baldintzak betetzen dituzten egiaztagiria ekar dezatela. Gaitasunaren eta kaudimenaren betekizunak badituztela kontuan hartzeko une erabakigarria, proposamenak aurkezteko epea bukatzen denean izango da, betekizunok administrazioarekin kontratatzeko nahitaezkoak baitira.

Erantzukizunpeko adierazpena I eranskinean dagoen ereduri egokituko zaio.

“B” kartazalaren azpititulua “PROPOSAMENA” izango da eta bertan agiri honeek aurkeztu beharko dira:

- a) **Proposamen ekonomikoa**, eskaintzaileak edo aurkezten duen pertsonak **sinatuta**, administrazio-klausula partikularren Pleguaren II. **Eranskin gisa agertzen den ereduaren arabera** idatzita.

BEZa salbuetsita daukaten lizitzaileak aurkeztuko balira, BEZari dagokion zenbatekoan zero euro (0,00€) jarri beharko lukete.

- b) Ez dira onartuko proposamen hauek:

- 1) Kontraesanak, ez aipatzeak, akatsak edo zirriborroak dituztenak, Administrazioak eskaintza aintzat hartzeko funtsezkotzat jotzen duena argi ikustea eragozten badute.
  - 2) Aztertutako eta onartutako dokumentazioarekin bat ez datozenak.
  - 3) Eskaintzaren aurrekontua edo gehienezko tasa gainditzen dutenak.
  - 4) Proposamenaren zenbatekoan akats argia dutenak.
  - 5) Pleguaren III. Eranskin gisa ezarritako proposamen eredia nabarmen aldatzen dutenak.
  - 6) Eskaintzailearentzat bidera ezin egiten duten akatsak edo funtsik ez dituztenak.
- c) Letretan adierazitako eskaintza zenbakietan adierazitakoarekin bat ez badator, letretan adierazitako kopurua nagusituko da; dokumentazioa aztertu eta gero, arrazoizko erizpideak erabiliz, Kontratazio Mahaiak beste jarrera bat hartzen ez badu salbu.
- d) Eskaintza bakoitzak proposamen bakarra aurkeztu ahal izango du. Pleguan baimena ematen bada bakarrik, soluzio aldakorrak izan ahalko ditu; hortaz, eskaintza ekonomikoak ere ezberdinak izan ahalko dira.

## **20. AGIRIAK SAILKATZEA, ENPRESAK AUKERATZEA ETA PROPOSAMENAK IREKITZEA**

Behin, eskaintzak aurkezteko epea amaitu eta gero, 320 artikulua xedatutakoari jarraituz, Urigintza teknikariak, Kontratazio Organoak eskuordetuta, epe eta modu egokian jasotako dokumentazioa (“A” kartazala) sailkatuko du, eta, dokumentazio horretan akats materialak somatuz gero, ez dio lehiatzaileari hirui egun baliodun baino epe luzeagorik emango akatsa zuzen dezan .



Akatsak funtsezkoak badira edota akats materialak ezin badira zuzendu, ez dira lizitazioan onartuko.

Zuzentze horretatik aparte, Kontratazio organoak, lehiatzaileen kaudimenaren egiaztapena osatzeko jaso ahal izango ditu aurkeztutako ziurtagirien eta adierazpenaren gaineko beharrezko argibideak. Gainera, lehiatzaileei eskatu ahal die bestelako agiri osagarriak aurkeztea bost egun naturalen barruan; eta, beti ere, proposamenen onarpenaren adierazpena egin aurretik.

A kartazala kalifikatuta, onartuen B kartazala zabalduko da jendaurrean. Jendaurrean irekitzeko ekitaldiaren berri emongo jake aurretiaz lehiatzaileei, faxez edo korreo elektronikoz.

## **21. ESLEIPENA, FORMALIZAZIOA ETA GASTUAK**

Esleipena egin aurretik, esleipen proposamenean agertzen dan hurrenkerea jarraituz, zerrendan lehenengo agertzen dan parte hartzaileari, errekerimendua egingo jake, hau jaso eta 10 eguneko epean, honako hauek egiteko (151.2 artikuluan xedatutakoari jarraituz):

a) 19. klausulan zehaztutako erantzukizunpeko adierazpenean (A kartazalean "Gaitasuna eta Kaudimena" sartu beharrekoa) 2, 5 eta 6 puntuetan adierazitakoak egiaztatzeko jatorrizko agiriak edo konpultsatuak, hain zuen ere:

- Banako enpresaburuak direnean, nortasun-agiria.
- Pertsona juridikoak badira, eraketa- edo aldaketa-eskritura aurkeztuko dute, Merkataritza Erregistroan inskribatuta, baldin eta hori eskatzen bada ezargarri zaion merkataritza-legerian. Hori eskatzen ez bada, jarduteko gaitasuna egiaztatuko da eraketa-agiriaren, estatutuen edo eraketa-egintzaren bidez, bertan jaso badira jarduera arautzen dituzten arauak; gainera, hala badagokie, dena delako erregistro ofizialean inskribaturik egon behar dira.
- Espainiarrak ez diren enpresek, baldin eta Europar Erkidegoko estatu kideetakoak edo Europako Eremu Ekonomikoaren Ituna izenpetu duten estatuetakoa badira, jarduteko gaitasuna egiaztatu behar dute SPKLTBko 72.2. artikuluan xedatu denaren arabera.

Gainerako enpresaburu atzerritarrek jarduteko gaitasuna badutela egiaztatuko dute Espainiak dagokion estatuan duen ordezkartza diplomatikoak igorritako ziurtagiri baten bidez; adierazten duena, edo toki-, lanbide- zein merkataritza-erregistroan edo antzekoan inskribaturik daudela, edo, bestela, tokiko merkataritzan ohikotasunez dihardutela kontratuaren xede diren jardueretan.

Halaber, Espainiako dagokion ordezkartza diplomatikoak igorritako txostena ere ekarri behar dute, adierazten duena jatorrizko estatuak, era berean, administrazioarekiko kontratazioan enpresa espainiarren parte-hartzea onartzen duela, modu oso antzekoan. Kontratazioaren aurrekontua 5.358.153 euro edo gehiago

denean, eta jatorrizko estatuak izenpetu badu Kontratazio Publikoari buruzko Merkataritzaren Munduko Erakundearen Ituna, aipatu berri dugun elkarrekotasun txostenaren ordez, ordezkariak diplomatikoak beste txosten bat igorriko du inguruabar horixe egiaztatuz.

Berebat, atzerriko enpresek bulego bat irekita izan behar dute Espainian, eragiketak egiteko ahalduak edo ordezkariak izendatu, eta Merkataritza Erregistroan inskribaturik egon.

- Lizitatzailleak ordezkari bidez diharduenean, ordezkariaren NANren kopia konpultsatua eta ahalorde konpultsatua ekarri behar du, hala ordezkariak nola lizitazioan parte hartzeko ahalmenak modu sinesgarrian egiaztatze aldera.

- Lizitazioan hainbat enpresaburuk hartuko badute parte aldi baterako batasun bat eratuz, bakoitzak bere nortasuna eta gaitasuna egiaztatu beharko ditu, eta izenpetzen duten enpresaburuen izenak, inguruabarrak eta bakoitzaren parte-hartzea zein diren adierazi. Berebat, batasunaren ordezkari edo ahaldu bakarra izendatu behar dute, kontratua hasi eta bukatzen den arte sortzen diren eskubideak eta betebeharrak betetzeko ahalmenarekin. Hala ere, enpresek ahalorde mankomunatuak ere eman ditzakete, kopuru handiko kobrantzak eta ordainketak egiteko.

- Atzerriko enpresek adierazpena aurkeztu behar dute Espainiako edozein ordenako epaitegien eta auzitegien jurisdikzioaren menpe jartzeari buruz. Hori, kontratutik zuzenean nahiz zeharka sortzen diren gorabehera guztiei begira. Adierazpenean, halaber, uko egingo diote lizitatzailleari egoki lekiokkeen jurisdikzio-foruari.

- Legeak zehaztutako agiri eta baliabideen bidez behar bezala egiaztatutako kaudimen teknikoak.

- Legeak zehaztutako agiri eta baliabideen bidez behar bezala egiaztatutako ekonomia eta finantza-kaudimena

- Zerga-betebeharrak nahiz Gizarte Segurantzakoak betetzen dituela egiaztatzea Administrazio Publikoen Kontratuen Legearen Erregelamendu Orokorren 15. artikuluan zehaztutako eran.

- Ekonomi Jardueren gaineko Zergan, kontratuaren gaiari dagokion epigrafean hain zuzen ere, alta eman diotela frogatzeko, lehiatzaileak alta-agiria aurkeztuko du, uneko ekitaldian bertan hartua badu, edo EJZren azken ordainagiria, gainerako kasuetan. Beti ere, zerga horren matrikulan bajarik hartu ez izanaren erantzukizunpeko adierazpena erantsiko du.

\*Eusko Jaurlaritzako Kontratisten Erregistro Ofizialean edota Bizkaiko Foru Aldundiaren Lizitatzailleen Erregistroan izena eman badago, aipatutako dokumentazioaren ordez hau aurkeztu beharko da:

- Eusko Jaurlaritzako Kontratisten Erregistroan izena emanda dagoen indarreko egiaztagiria.(III eranskina)

b) Kontratua gauzatzeko erabili edo jarri beharreko bitartekoak, 64. artikulua araberak hitzemandakoak, benetan dituela ziurtatzen duten agiriak aurkeztu beharko ditu,

- c) Behin betiko bermea.
- d) Jendaurreko zabalkunde ofizialean gastuak egin badira, aldizkari ofizial eta argitaraldien gastuak ordaindu.
- e) Baldintza-orri administratibo hauetan zein baldintza-orri teknikoetan lan-osasun eta segurtasun betebeharrak frogatzeko beharrezkotzat jo diren agiri guztiak aurkeztu (Enpresa Jardueren Koordinazioa, VI. eranskina).

Ziurtagiriok bide elektronikoetatik, informatikoetatik edo telematikoetatik igor daitezke indarrean dagoen legediarekin bat etorriz.

Epe horretan aurkeztuko ez balitu, uko egiten duela ulertuko da eta zerrendako hurrengokoari deituko zaio aipatutako horiek egin ditzan. Uko egiten duenaren, behin behineko bermea Udalaren esku geratuko da.

151.2 artikuluan zehaztutako dokumentazioa jaso eta hurrengo egunetik hasita 2 egun balioduneko epean kontratazio organoak kontratua esleituko du.

Guztiarekin, esleipena motibatua izan beharko da, lizitatzaleei jakinaraziko zaie eta, aldi berean, webgunean publikatuko da (151.4 artikuluan xedatutako gutxieneko eduki eta baldintzak jarraituz).

### **Formalizazioa eta gastuak**

Esleipendun eta lizitatzaleek esleipenaren notifikazioa jaso eta hurrengo 15 egun balioduneko epe barruan egingo da formalizazioa (156.3 artikulua).

Formalizazio burutzeko esleipendunak honako hauek burutu beharko ditu:

- Udal bulegoetan, kontratua formalizatu aurretik, datu pertsonalak eta informazio konfidentziala babesteari buruzko klausula (VII. eranskina) aurkeztu beharko dau behar dan moduan bete eta sinatuta.
- Udal bulegoetan kontratua administrazio-agiri gisa formalizatu.

Esleipena parte hartzaileei jakinarazoteaz gain, formalizazioa web orrialdean argitaratuko da eta, kontratuaren prezioa 100.000 euro baino handiagoa denez, BAO n ere publikatuko da (formalizaziotik 24 eguneko gehinezko epean, 154.2 artikuluan xedatutakoari jarraituz).

Hartzaileak jakinarazpena jaso duela ziurtatzen duen edozein bitartekoren bidez egingo da jakinarazpena. Konkretuki, egin ahalko da korreo elektronikoz, lehiatzaileek edo hautagaiek euren proposamenetan zehaztutako helbidean.

Kontratazio-organoak egingo dauan esleipenaren bitartez, kontratuak indar juridikoa hartuko du.

Kontratua baldintza-agiri honetan oinarritzen da eta espedientean azaltzen den dokumentazio teknikoarekin bat etorri egingo da. Kontratua formalizatzeko agirian ezingo da inola ere sartu esleipen irizpideak aldatzea eragingo duten klausularik. Nolanahi ere, kontratua eskritura publiko bihurtzeko eska dezake kontratistak, eta, orduan, bere kontura izango dira eskritura publikoak egiteak sortutako gastuak.

Kontratua formalizatu arte ezingo da berori gauzaten hasi.

Esleipendunaren erruagatik kontratua dagokion epe barruan formalizatu gabe geratzen bada, Administrazioak ezarri duen behin behineko bermearen zenbatekoaren atxikipena adostu ahal izango du, behin betiko bermearen gainean.

## **21. KONTRATUA FORMALIZATZEARI ADMINISTRAZIOAK UKO EGITEA**

Kontratazio organoak uko egiten badio deialdia egin ostean kontratu bat egiteari, edo esleipenerako prozedura berriz hastea erabakitzen badu, hautagaiei edo lehiatzaileei jakinaraziko die.

Kontratua egiteari uko egitea edo prozedura bertan behera uztea kontratazio organoak baino ezin dezake erabaki, esleipenaren aurretik. Kasu bietan hautagaiei edo lehiatzaileei izan dituzten gastuak konpentsatuko zaizkie, Administrazioaren erantzukizuna arautzen duten printzipio orokorren arabera.

Espedientean behar bezala justifikatutako interes publikoko arrazoiengatik baino ezin izango zaio uko egin kontratu bat egiteari. Kasu horretan, ezin izango da xede berarekin beste lehiaketarik sustatu uko egite horren oinarria izan diren arrazoiek bere horretan dirauten bitartean.

Prozeduraren uko egitearen oinarria kontratua prestatzeko arauetan edo esleipen prozedura arautzekoetan konpon ezin litekeen arau-haustea izan beharko da, eta arrazoi hori dagoela justifikatu beharko da espedientean. Uko egiteak ez du eragotziko beste lehiaketa prozedura bat hastea berehala”.

## **III.- IZAERA, ERREGIMEN JURIDIKOA ETA JURISDIKZIO ESKUDUNA**

### **22. IZAERA ETA ERREGIMEN JURIDIKOA**

Baldintza-agiri honen arabera egin behar den kontratua administrazio-mailakoa izango da, eta kontratuan bertan zehazten ez den guztiari dagokionez, bereziki Sektore Publikoaren Kontratuaren Legeari buruzko Testu Bateratua onartzen duen 3/2011 Errege Dekretu Legegilean ezarritako arauak bete beharko dira. Horiez gainera, Herri Administrazioen Kontratuari buruzko Legearen Araudi Orokorrak, eta bai herri administrazioen kontratazioan erabili beharreko gainerakoak ere.

Administrazio-baldintza zehatzen agiri honen eta espedientearekin batera doan dokumentazio teknikoaren artean kontraesanak izanez gero, agiri honetan zehaztutakoa nagusituko da.

### **23. JURISDIKZIO ESKUDUNA**

Kontratutik sortzen diren auziak Administrazioarekiko auzien jurisdikzioaren menpe egongo dira. Nolanahi ere, bi alderdiek nahi izanez gero, auziak arbitrajearen bidez konpondu daitezke, indarrean dagoen legerian zehaztutakoarekin bat etorritz.

Bermeon, 2017ko abenduaren 21ean

## I ERANSKINA

.....jaunak/an  
dreak, helbidea .....duenak  
eta NAN zenbakia .....duenak, bere izenean  
edo .....(ordezkaritzako ahalmenak  
adierazi; administratzaile bakarra, ahaldun...) gisa,  
.....  
enpresaren, egoitza soziala.....eta  
IFK zenbakia.....dituenaren izenean,

Nire erantzukizunpean ADIERAZTEN DU:

1. Kontratua arautzen dituen Baldintza Administrazioen eta Teknikoen Orriak ezagutzen ditudala eta onartzen ditudala.

2. Administrazioarekin kontratatzeko legez ezarri diren baldintzak betetzen ditudala, leialtasunez, azaroaren 14ko 3/2011 Legegintzako Errege Dekretuak galdatzen duenaren arabera, eta bertan zehazten diren zehaztapenekin eta baldintzekin –Sektore Publikoko Kontratuen Legearen Testu Bategina onetsi zuen arau horrek–.

3. Ez nagoela (eta/edo ordezkatzeko duen enpresa, administratzaileak edo ordezkariak ez daudela) kontratatzeko ezelako debeku- eta bateraezintasun-egoeratan; hau da, azaroaren 14ko 3/2011 Legegintzako Errege Dekretuak 60. artikuluan xedatu dituenetan, bertan zehazten diren zehaztapenekin eta baldintzekin – Sektore Publikoko Kontratuen Legearen Testu Bategina onetsi zuen arau horrek–.

4. Zerga-betebeharretan eta Gizarte Segurantzarekiko betebeharretan egunean nagoela (eta/edo ordezkatzeko duen enpresa), indarreko xedapenek ezartzen dituztenetan; eta, orobat, ez dudala (eta/edo ordezkatzeko duen enpresak) zerga-zorrik ordainarazpen-aldian Bermeoko Udalarekin. Hartara, administrazio-kontratatzaileari baimena ematen diot, esleipendun proposatuz gero, informazio hori eskura dezan, hitzarmenik sinatu duen beste herri-administrazio batzuen datu-baseen bidez.

5. Ekonomi Jardueren gaineko Zergan, kontratuaren gaiari dagokion epigrafean hain zuzen ere, altan nagoela.

6. Emakumeen eta Gizonen Berdintasunerako otsailaren 18ko 4/2005 Legearen arabera sexu-diskriminazioan erori izanagatik zigor edo administrazio-arloko zigorra jaso **ez** dutela.

7. Bermeoko Udalari baimena ematen diot kontratu honi lotutako eskakizun, berri emate eta jakinarazpen mota guztiak posta elektronikoko bidez bidaltzeko behean ageri den helbidera, legeak ezarritako ondorio juridikoekin.

Helbide elektronikoa: .....

8. Era berean, konpromisoa hartzen dut kontratazio-organoaren aurrean egiaztatzeko, kontratua esleitu baino lehen edo Udalak eskatzen didan bestelako





momentuan, legez eta pleguetan zehazten diren agiriak baditudala, eta baliozkoak direla.

Eta dagozkion ondorioetarako idatzita jasota gera dadin, adierazpen arduratsu hau sinatzen dot, .....n, 2017ko.....(r)en....(e)an.

sinadura”.

## II. ERANSKINA

### Proposamen ekonomikoaren eredia

.....jaunak/an  
dreak, helbidea .....duenak  
eta NAN zenbakia .....duenak, bere izenean  
edo .....(ordezkaritzako ahalmenak  
adierazi; administratzaile bakarra, ahaldun...) gisa,  
.....  
enpresaren, egoitza soziala.....eta  
IFK zenbakia.....dituenaren izenean,

### AITORTZEN DAU:

- I.- .....  
xedeak daukan kontratuaren lizitazio iragarkiaren berri izan dudala.
- II.- Kontratua arautzen dituen Baldintza Administrazioen eta Teknikoen Orriak ezagutzen dituela eta onartzen dituela.
- III.- Ordezkatzen dudak enpresak indarrean dagoen araudiak finkatutako baldintza eta irizpide guztiak betetzen dituela.
- IV.-Aipatutako kontratuaren betearazpena ..... (zenbakitan eta hitzetan) eurotan, BEZ kanpo, proposatzen dudala. BEZari dagokion zenbatekoa .....€koa ( zenbakitan eta hitzetan) izango dala.

Bermeon, 2017ko .....ren .....an.

Sinatuta:

### **III. ERANSKINA**

#### **Eusko Jaurlaritzako Kontratisten Erregistroko edota Bizkaiko Foru Aldundiaren Lizitatzailen Erregistroko datuen baliagarritasunaren Zinpeko Aitorpenaren Eredua**

.....Jaun/Andreak,.....zenbakiduneko  
NANarekin , ..... helbidea eta .....IFZ daukan  
..... izeneko enpresaren orde,

#### **KONTRATAZIO MAHAIAREN LEHENDAKARIAREN AURREAN AITORTZEN DU**

Eusko Jaurlaritzako Kontratisten Erregistro Ofizialak edota Bizkaiko Foru Aldundiko Lizitatzailen Erregistroak emandako ziurtagirian jasotzen diren datuen baliagarritasuna eta indarraldia, batez ere, Sektore Publikoaren Kontratuen Legeari buruzko Testu Bateratua onartzen duen 3/2011 Errege Dekretu Legegilearen 60. artikuluari dagozkionak.

Bermeon, 2017ko .....ren .....an.

Sinatuta:

**IV. ERANSKINA  
KAUDIMEN EKONOMIKOA**

.....Jaun/Andreak,.....zenbakiduneko  
NANarekin , ..... helbidea eta .....IFZ daukan  
.....izeneko enpresaren ordezt, ..... xede daukan  
kontraturako eskatzen den kaudimen ekonomikoari begira,

**ERANTZUKIZUNEZ AITORTZEN DU:**

Enpresaren negozioien kopurua azken hiru urtetan ondokoa izan dala:

**2015. Urtea**

XEDEA	BEZEROA	DATA	PREZIOA	ZIURTAGIRIA

**2016. Urtea**

XEDEA	BEZEROA	DATA	PREZIOA	ZIURTAGIRIA

**2017. Urtea**

XEDEA	BEZEROA	DATA	PREZIOA	ZIURTAGIRIA

Eta aipatutako lizitazioan parte hartzeko kaudimen ekonomikoa frogatuta gera  
dadin, adierazpen hau sinatzen dut.

Bermeon, 2017ko .....ren .....an.

Sinatuta:

**V. ERANSKINA  
KAUDIMEN TEKNIKOA**

.....Jaun/Andreak,.....zenbakiduneko  
NANarekin , ..... helbidea eta .....IFZ daukan  
.....izeneko enpresaren ordeztu, .....  
xede daukan kontraturako eskatzen den kaudimen ekonomikoari begira,

**ERANTZUKIZUNEZ AITORTZEN DU:**

1. Azken hiru urtetan empresa honek egindako lanak ondokoak izan direla:
  - 2015. Urtea
  - 2016. Urtea
  - 2017. Urtea
2. Kontratua betetzeko gure esku dauden unitate teknikoak ondokoak direla:
3. Ingurugiroko kudeaketa neurriak ondokoak direla:
4. Enpresaren baliabide pertsonalak ondokoak direla:

Eta aipatutako lizitazioan parte hartzeko kaudimen teknikoa frogatuta gera  
dadin, adierazpen hau sinatzen dut.

Bermeon, 2017ko .....ren .....an.

Sinatuta:

## VI. ERANSKINA

### ENPRESA JARDUEREN KOORDINAZIOA

LAPLko 24. artikulua garatzen duen, urtarrilaren 30eko 171/2004 Errege Dekretuko 10.2. artikuluan adierazten den bezala, lan arriskuen prebentzioaren arloko enpresa jardueren koordinazioaren barnean, enpresaburu nagusiaren zaintzako betebeharren barruan, enpresa kontratistei hurrengo agiriak aurkezteko eta kreditatzeko eskatzen zaie.

Horregatik ondorengo agiriak aurkeztu eta kreditatu beharko dira:

- ✓ Zerbitzua emango duen enpresa kontratistaren **arduradunaren izendapena**.
- ✓ Kontratatutako zerbitzuetan garatu beharreko jardueretako **lanpostu ezberdinen lan arriskuen ebaluazioa** eta **prebentzio neurrien** agirien kopia.
- ✓ Bermeoko Udaleko lantokian zerbitzua eskainiko duten langileen **zerrenda eguneratuta** eta langile horiei emandako **arriskuen informazioaren** erregistroaren kopia.
- ✓ Langile horiek prebentzio arloan hartu duten **formazioaren** erregistroaren kopia.
- ✓ Langile horien **lan gaitasunaren** mediku ziurtagirien kopia.
- ✓ Zerbitzua emango duten langileei **norberaren babeserako ekipoen ematearen** erregistroen kopia (langileei eman bazaie).
- ✓ Enpresa kontratistaren **prebentzio baliabidearen** izendapena (izendatua balego).
- ✓ **Erantzukizun zibileko** aseguruaren polizaren kopia eguneratua (baldintza pleguetan aurkeztu ez bada).

**OHARRA:** Goian eskatzen diren agiriak kreditatzerakoan, Bermeoko Udaleko gune eta lantokietan zerbitzua emango duen enpresa kontratistaren langileen agiriak baino ez dira aurkeztu beharko.

## VII. ERANSKINA

### DATU PERTSONALAK ETA INFORMAZIO KONFIDENTZIALA BABESTEARI BURUZKO KLAUSULA

.....jaunak/a  
ndreak, helbidea .....duenak  
eta NAN zenbakia .....duenak, bere izenean  
edo .....(ordezkaritzako ahalmenak  
adierazi; administratzaile bakarra, ahaldun...) gisa,  
.....  
enpresaren, egoitza soziala.....eta  
IFK zenbakia.....dituenaren izenean,

#### AITORTZEN DU:

Kontratu honen xede diren zerbitzuak emateko kontratuzko hartu-emanari jarraiki,  
BERMEOKO UDALarentzat ..... obrak/ zerbitzua/ lanak egingo dauzala.

Obra/zerbitzua/lan horiek egin/emateko, BERMEOKO UDALAK,  
.....enpresari datu pertsonalak eta datu pertsonalen fitxategietara sartzeko  
baimena eman behar badio, ..... enpresak datu pertsonalak eta datu pertsonalen  
fitxategiak BERMEOKO UDALAREN kontura erabiliko dituela.

Sarrera hori emoteagatik, horrela behar izatekotan, ezin daitkeela inola ere ulertu  
lagapen, emate edota Datu Pertsonalen zein Fitxategien transferentziarik dagoenik.

..... enpresak, udalaren datuez kanpo, kontratuaren xede diren egitekoetarako,  
jasotzen dituen bestelako datu pertsonalak zein konfidentzialak, Bermeoko Udalaren  
izenean egingo dituela, kontratu honen helburua den proiekturako soilik erabili ahal  
izango dituela, udalaren titularidadekoak izango direla, eta datuen jasoketan Datu  
Pertsonalen Babeserako 15/99 Lege Organikoan eta horren garapenerako araudian  
ezarritako eginbideak beteko direla.

Datu Pertsonalen Babeserako 15/99 Lege Organikoan ezarritakoarekin bat eginez,  
12. artikuluan, dagozkien pertsonen eskubideak bermaturik gelditzeko eta datu zein  
fitxategi horreetara sartzean jarraitu beharreko legediari eutsiz agintzen den  
“hirugarrenek egindako tratamenduak idatziz egindako kontratuan arautuko dira”  
adierazpenean oinarrituta eta datu pertsonalen jasoketan araudiak exijitzen dituen  
zehaztasun, informazio, ardura eta arretan oinarrituta eta, era berean  
konfidentziasunak eskatzen dituen bermeak kontuan edukita, ..... enpresak  
onartzen dituela hurrengo

#### AITORPENAK



### LEHENENGOA .- *Muga*

.....enpresak, BERMEOKO UDALAREN ardurapekoak diren datu pertsonaletara eta fitxategietara helduko da lotzen duen kontratuzko hartu-emanaren izakera juridikoa eta funtzio ekonomikoak horrela eskatzen badu, eta, betiere, kontratatutako obra/zerbitzua/lanak hobetzeko beharrezkoa izanez gero.

.....enpresak ezin izango ditu, ezelan ere, BERMEO UDALAK itxitako datu pertsonalak zein konfidentzialak, bestelako helburuetarako erabili, daukaten akordioan bildutakoak betetzeko baino. Horretaz gain, ..... enpresak ezin izango die hirugarrenei zabaldu kontratatutako zerbitzua betetzeko ez bada, ezta kontserbatzeko bada ere, Bermeoko Udalaren idatzizko baimen barik.

.....enpresak ezin izango ditu, inola ere, BERMEO UDALAREKIN duen kontratu hau betetzeko udalaren izenean eta kontratu honen xede den helbururako jasotako Datu Pertsonalak eta konfidentzialak bestelako helburuetarako erabili, daukaten akordioan bildutakoak betetzeko baino. Jasotako datuok udalaren izenean egiten dituela informatu beharko du, eta datu-bilketea honako araudiek agindutakoaren arabera egingo da: Datu Pertsonalen Babeserako 15/99 Lege Organikoa, abenduaren 21eko 1720/2007 Errege Dekretua, otsailaren 25eko 2/2004 Legea eta urriaren 18ko 308/2005 Dekretua.

Horretaz gain, .....enpresak ezin izango die hirugarrenei zabaldu kontratatutako zerbitzua betetzeko ez bada, ezta kontserbaziorako bada ere, Bermeoko Udalaren idatzizko baimenik gabe.

### BIGARRENA .- *Araudia*

.....enpresak Datu Pertsonaletara eta Fitxategietara egindako sarbidea, Datu Pertsonalen Babeserako 15/99 Lege Organikoaren xedapen zehatzak eta garapen araudi ezargarriek arautuko dute.

.....enpresak Datu Pertsonalen arautegiak, tratamenduaren arduradunari ezartzen dizkion eginbeharrak eta betekizunak eta datu pertsonalen jasoketan kontuan eduki beharrekoak bere gain hartzen ditu. Halanda ze, Datu Pertsonalen Babeserako Legeak garatzen duen berme aginduarekin bat eginez, datuen izakerearen arabera eta ezartzen diren tratamenduen arabera, behar diren neurri teknikoak, antolaketakoak eta behar diren neurriak diseinatzeke, ezartzeko eta gordetzeko konpromisoa eta betebeharra ditu.

### HIRUGARRENA .- *Ardurea*

Legeak BERMEOKO UDALA "arduradun" izendatzen du dagokion administrazioaren zein auzitegiaren aurrean. ....enpresak, "eragileak",



BERMEOKO UDALAK emandako aginduak beteta, zuzenean edo zeharka Datu Pertsonalen mendekotasunak sortzen dituen erantzukizun guztiak bere gain hartzen ditu.

Datuak Babesteko Euskal Bulegoak edota eskumena daukan beste erakunderen batek, erantzukizunaren egozketa edo gatx-kalteakaitiko ordainen erreklamazioa egingo balio Bermeoko Udalari, BERMEOKO UDALAK .....enpresaren aurka jo leike Jurisdikzino Zibil Arruntaren aurrean, dagozkion itzulera eta konpentsazio ekintzak bideratzeko, baita beste edozein egiazko, ahalezko, moralezko zein etorkizuneko gatx-kalteak konpentsatzeko ere eta, berdin, informazio konfidentzialak era desegokian erabiltzen badira.

#### LAUGARRENA .- *Konfidentzialtasuna*

.....enpreseak, sarbidea daukan datu pertsonalen zein eskuratutako informazio konfidentzialen isilpeko izakera gordetzeko eta inori ez zabaltzeko konpromisoa hartzen du, baita kontratatutako obra/zerbitzu/lanetatik kanpo ez erabiltzeko konpromisoa ere. ....enpresak bere ardurapeko langileek ez dituztela datu pertsonal horiek zabalduko bermatzen du, baita modu desegokian ez dituztela erabiliko ere.

Konfidentzialtasun eginbehar horrek, BERMEOKO UDALAREN ardurapean dauden datu pertsonaletara edo fitxategietara .....enpresak egindako sarbidea dela-eta, Bermeoko Udalarekin egindako kontratuaren helburua lortzeko honen izenean jasotako bestelako datu pertsonalak dirala-eta, zein eskuratutako informazio edota datu konfidentzialak direla-eta, sortutako zerbitzu hartu-emanara amaitu ostean ere iraungo du egitez edo eskubidez, itxura, era eta denpora albo batera itxita.

#### BOSGARRENA.- *Ebazpena*

Akordio honek muga bako iraupena dauka, baina obra/zerbitzu kontratuen hartu-emanaren iraupenarekin lotuta dago. ....enpresak, obra/zerbitzua/lanak amaitu eta gero, zerbitzua betetzeko erabili duen euskarria deuseztatu egingo du, baita kopiak eta bestelako euskarriak ere (informatikoak izan zein ez), beti ere, Udalak itzultzeko eskatzen ez badio.

#### SEIGARRENA.-*Ezarri daitekeen jurisdikzinoa eta legeria*

Datu Pertsonalen Babeserako abenduaren 13ko 15/1999 Lege Organikoan ezarritakoa eta lege hori garatzen duen araudia ere ezarri ahal izango dira. Datuen Babeserako Espainiako Agentziaren ebazpenak ere hartuko dira oinarritzat.

Klausula honen interpretazioak edo ezarpenak sor ditzakeen zalantzak, desadostasunak zein bestelako arazoak eta eztabaidak, Gernika-Lumoko Auzitegiaren

mende ipiniko dira. Bi aldeek uko egiten diote Antolamendu Juridikoaren arabera eskumenak dituen beste epaitegiei.

Bermeon, 2017ko .....aren .....an